

**Inatsisartut aalajangiiffigisassaattut siunnersuut: Meeqcat ADHD-eqartut, ADD-eertut, autismeqartut aammalu/imaluunniit angstertut suussusersineqarnissaat taamaasillatalu ikiorsinnaanissaat qanoq pikkoriffingerulersinnaanerinut tigussaasunik  
innersuussuteqartussanik suleqatingiinnik immikkut ilisimasalinnik pilersinnissaanik  
Naalakkersuisut peqquneqarnissaat pillugu Inatsisartut aalajangiiffigisassaattut  
siunnersuut. Suleqatingiit immikkut ilisimasallit innersuussutit 1. juni 2023  
nallertinnagu saqqummiutissavai.**

*(Inatsisartunut Ilaasortaq Nivi Olsen, Demokraatit)  
pillugu*

### **Ilaqutariinnermut Peqqissutsimullu Ataatsimiititaliap**

#### **Siunnersuutip aappassaaneerneqarneranut**

#### **ISUMALIUTISSIISUTAA**

Ataatsimiititaliaq suliarinninnermini uku ilaasortarai:

Inatsisartunut ilaasortaq Mala Høy Kúko, Siumut, siulittaasoq  
 Inatsisartunut ilaasortaq Bjørk L. Kristensen, Demokraatit, siulittaasup tullia  
 Inatsisartunut ilaasortaq Hans Peter Poulsen, Siumut  
 Inatsisartunut ilaasortaq Mikivsuk Thomassen, Inuit Ataqatigiit  
 Inatsisartunut ilaasortaq Eqluk Høegh, Inuit Ataqatigiit  
 Inatsisartunut ilaasortaq Najaaraq Møller, Siumut  
 Inatsisartunut ilaasortaq Paneeraq Olsen, Naleraq

UKA2022-imi ulloq 13. oktober 2022-imi siullermeerinerup kingorna siunnersuut ataatsimiititaliap misissorpaa.

#### **Siunnersuutip imarisaa siunertaalu**

Meeqcat ADHD-qartut, ADD-qartut, autismeqartut aamma/imaluunniit angstertut qanoq suussusersiniarneqarsinnaanerannut sukkanerusumillu ikiorserneqarnissaasa qulakkeerneqarnissaannut suleqatigiinnik immikkut ilisimasalinnik pilersitsisoqarnissaa siunnersuuteqartup siunnersuuteqarnermigut kissaatigaa.

#### **Siunnersuutip Inatsisartunit siullermeerneqarnera**

Siullermeerinninnermi immikkoortoq, immikkoortunut 30-imut aamma 89-imut ilanngullugu ataatsimoortillugit oqaluuserineqarput.

Siunnersuutit pingasuusut suliarinerinerini meeqqat inuusuttullu tarnimikkut nappaatillit nappaatillillu qulaajaavagineqartarnerinut katsorsarneqartarnerinullu atugassarititaasut pitsangorsaavagineqarnissaat tapersersorluarneqarpoq. Meeqqanut tarnimikkut napparsimasut nappaatillillu angajoqqaavinut pitsaanerusumik paasissutissiisoqartarnissaai ikorsiisoqartarnissaalu ilanngullugu oqaatigineqarpoq.

Immikkoortunut 30-imut aamma 89-imut ima allannguutissatut siunnersuummik Naalakkersuisut saqqummiussaqarput:

*"Peqqinnissaqarfimmi tarnip pissusaamut, tassunga ilanngullugit meeqqanut inuusuttunullu tarnip pissusaanik ilisimasalinnut tunngasutigut ineriartortitsinissamut Naalakkersuisut pilersaarummik suliaqarnissaannut peqquneqarnissaannik Inatsisartut aalajangiiffigisassaattut siunnersuut. Pilersaarut pitsaanerusumik paasiniaasarnissamut, paasiniaaqqissaartarnermut tarnip pissusaanillu ilisimasalimmit katsorsaasarnermut suliniutissatut siunnersuutinik tigussaasunik imaqassaaq. Ineriartortitsinissamut pilersaarut kingusinnerpaamik UPA2024-mi saqqummiunneqassaaq".*

### **Siunnersuutip aningaasatigut kingunerisassai**

Inatsisartut suleriaasianni § 33, imm. 1-imi allassimavoq aalajangiiffigisassatut siunnersuutip piviusunngortinneqarnissaanut aningaasatigut allaffissornikkullu kingunerisassai siunnersuummut tunngavilersuutinut allanneqassasut.

Siullermeerinninnermi akissuteqaammi Meeqqanut, Inuuusuttunut, Ilaqutariinnermut Peqqissutsimullu Naalakkersuisup paasissutissiissutigaa, meeqqanut tarnimikkut nappaatilinnut suliniutinut 3 mio. kr.-t AIS2023-imut immikkoortinnejarsimasut.

Konto pingarneq 20.11.70-imi "Meeqqanut tarnimikkut napparsimasunut suliniutit"-nut aningaasanik immikkoortitsisoqarsimasoq takuneqarsinnaavoq.

Siullermeerinninnermi Meeqqanut, Inuuusuttunut, Ilaqutariinnermut Peqqissutsimullu Naalakkersuisup akissuteqaammini oqaatigaa AIS2023-imut Dronning Ingridip Napparsimavissuani nuna tamakkerlugu meeqqanut immikkoortortaqarfimmik pilersitsinissamut 8,7 mio. kr.-inik immikkoortitsisoqarsimasoq.

Aningaasaqarnermut Akileraartarnermullu Ataatsimiitaliap konto pingarneq 34.11.03, Dronning Ingrid-p Napparsimavissua (Ingerlatsinermut aningaasaliissut) aningaasarsianut aningaasartuutit qaffaataat Aningaasaqarnermut Naligiissitaanermullu Naalakkersuisup

nassuaaneratut, meeqjanut immikkoortaqarfimmi sulisunut 8.7 mio. kr. aningaasarsianut aningaasartuutit ilaatigut immikkoortinneqarsimapput.

Ataatsimiititaliap taamaattumik suumiisumik isumaliutigisimavaa siunnersuutip piviusunngortinneqarnera aningaasaliissutaareersut saniatigut qanoq aningaasatigut kinguneqassanersoq. Tamanna tunngavigalugu aalajangiiffigisassatut siunnersuutigineqartut akuerineqarnerisigut aningaasat AIS2023-imut immikkoortinneqareersut saniatigut annertunerusumik aningaasatigut kinguneqarnavianngitsut ataatsimiititaliamit nalinerneqarpoq.

### **Allakkatigut apeqquteqaatit**

Ataatsimiititaliap suliaqarnermini allakkatigut apeqqutinik arlalinnik Naalakkersuisumut nassiussaqrpoq. Taakku isumaliutissiisummut ilanngussaq 1-itut kakkiunneqarput.

Siunersiuereernerup kingorna allakkatigut apeqquteqaqqittoqarpoq taakkulu isumaliutissiisummut ilanngussaq 2-tut kakkiunneqarput.

### **Sassartitsinerit**

Ataatsimiititaliaq suliarinninnermini uku sassartippai (Meeqjanut, Inuuusuttunut, Ilaqtariinnut Peqqissutsimullu Naalakkersuisumit peqataaffigineqartumik):

- Peqqinnissaqarfimmi aqutsisut
- Tarnimikkut nappaatilinnik sullissinermi aqutsisut

Tarnimikkut nappaatilinnut suliaqarfimmi ingerlatsineq, matumanilanganngullugit sulisut amerlassusaat, sulisussarsiornermi unammilligassat kiisalu ullumikkut ajornartorsiutaasut pilugit paasissutissanik ataatsimiititaliaq pissarsitinneqarpoq. Napparsimasunut tamanut misissuisarnissap- katsorsaasarnissap- aamma malitseqartitsinissamut neqerooruteqartarnissap attiinnarneqarnissaanut annertuumik unammilligassaqarmat pingartumillu aasaanerani unamminartartoq ataatsimiititaliap paasilluarpa. Sulinermi atugassarititaasut annertuumik ajornartorsiutaapput tarnimikkullu nappaatilinnut tunngasunik ineriertitsiniarnermi annertuumik aporfiusarlutik. Immikkoortut 30, 78 aamma 89-p  
piviusunngortinniarneqarnerinut annertuumik tamanna ajornartorsiutaasoq ataatsimiititaliaq naliliivoq.

### **Siunersiuineq**

Meeqjanut, Inuuusuttunut, Ilaqtariinnermut Peqqissutsimullu Naalakkersuisoq ulloq 10. marts ingerlanneqartumut ataatsimiititaliamit aggersarneqarpoq. Ataatsimiititaliap apeqquteqaatai Naalakkersuisullu akissuteqaatai isumaliutissiisummut ilanngussaq 3-tut ilanngunneqarput.

### **Ataatsimiititaliap siunnersuummik suliarinninnera**

Naalakkersuisut siunnersuut tapersersoraat, suliarlu Naalakkersuisut pingartillugu

suliariumagaat ataatsimiititaliap maluginiarpaa. Imarisamigut allannguutissatut siunnersuutip immikkoorutigaa, immikkut ilisimasalinnik pilersitsinissamut taarsiullugu tarnip pissusaanik suliaqarfimmut tamarmut matumalu saniatigut UPA2024-t meeqlanut inuusuttunullu tarnimikkut nappaatilinnut pilersaarummik suliaqaqqullugit Naalakkersuisut peqquneqassasut.

Ataatsimiititaliap apeqquteqaataanut Naalakkersuisut akissuteqaataannut tunngatillugu imm. 30-imut isumaliutissiissut innersuussutigineqarpoq.

Immikkoortunut 30-imut 89-imullu siunnersuutit piviusunngortinneqarnissaannut akimmisaarutinut tunngatillugu ineriartitsinissamut pilersaarummik suliaqarnissaq pillugu allannguutissatut siunnersuutigineqartup ingerlanneqarnissaa piviusorsiortuusoq Naalakkersuisut nalilermassuk ataatsimiititaliamit maluginiarneqarpoq, siunnersuutaqqaartorli piviusunngortikkuminaannerussasoq, tarnimikkut nappaatilinnik sullissinermi sulisoqarniikkut unammilligassaqarnera pissutigalugu.

Tarnimikkut nappaatilinnut immikkoortortaqarfimmi peqqinnissaqarfimmi sulisunut attuumassutilinnut paarlaasarnissamut aaqqissuussisinnaanissamut ikiorserneqarnissaq pillugu Naalakkersuisut danskit naalagaaffiannik oqaloqateqartut ataatsimiititaliap apeqquteqaataanut Naalakkersuisut akissuteqarmata naggataatigut ataatsimiititaliamit oqaatigineqassaaq.

### **Ataatsimiititaliap inassuteqaatai**

- Ataatsimiititaliap isumaqatigiittup allannguutissatut siunnersuut saqqummiuppaat taassumalu akuerineqarnissaq inassutigalugu:

*"Peqqinnissaqarfimmi tarnip pissusaanut, tassunga ilanngullugit meeqlanut inuusuttunullu tarnip pissusaanik ilisimasalinnut tunngasutigut ineriartitsinissamut Naalakkersuisut pilersaarummik suliaqarnissaannut peqquneqarnissaannik Inatsisartut aalajangiiffigisassaattut siunnersuut. Pilersaarut pitsaanerusumik paasiniaasarnissamut, paasiniaaqqissaartarnermut tarnip pissusaanillu ilisimasalimmit katsorsaasarnermut suliniutissatut siunnersuutinik tigussaasunik imaqassaaq. Ineriartitsinissamut pilersaarut kingusinnerpaamik UKA2023-mi saqqummiunneqassaaq".*

Taamatut oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliap aappassaaniigassanngortippaa.

---

Mala Høy Kúko  
Siulittaasoq

---

Bjørk I. Kristensen  
Siulittaasup tullia

---

Hans Peter Poulsen

---

Najaaraq Møller

---

Mikivsuk Thomassen

---

Egaluk Høegh

---

Paneeraq Olsen



1

Meeqyanut, Inuuusuttunut, Ilaqtariinnut  
Peqqissutsimullu Naalakkersuisoq

[pn@nanaq.gl](mailto:pn@nanaq.gl)

Ulloq: 01-11-2022

J.nr.:01.38.01.03-00161

### Ataatsimiititaliap suliaqarnerminut atatillugu apeqquteqaatit

Immikkoortunik 30, 78 aamma 89-imik ataatsimiititaliap suliaqarneranut atatillugu Ilaqtariinnermut Peqqissutsimullu Ataatsimiititaliaq allakkatigut apeqquteqarniarpoq. *Inatsisartuni aappassaaneerinissaq eqqarsaatigalugu ajornannngippat suliffiit ullut arfineq marluk iluini ataani allassimasut akineqarnissaat ataatsimiititaliap kissaatigaa.*

1. Meeqqat ADHD-qartut aamma autismeqartut taakkulu siusissukkut nappaataasa suussusersiniarneqarnissaannut pilersaarummut tunngassuteqarpoq, imm. 89 -mi meeqyanut ADHD-qartunut, ADD-qartunut, autismeqartunut aamma/imaluunniit angsteqartartunut immikkut ilisimasalinnik 1. juni 2023-i nallertinnagu kaammattuuteqartussanik pilersitsinissamut imm. 30-imi pineqarput. Siunnersuutinut marlunnut allannguutissatut siunnersuutinut kingusinnerpaamik UPA2024-imut pifflissaliisimanermut atatillugu ataatsimiititaliaq apeqquteqarumavoq. Akissuteqaammi aamma allassimasoqarpoq AIS23-imut aningaasanik pingaarnersiuisoqarnissaak kissaatigineqartoq. Taama pilersaaruteqarnermut tunngaviusoq sukumiinerusumik nassuiarneqarnissaat ataatsimiititaliap kissaatigaa.
2. Peqqinnissaq Pillugu Ataatsimiititaliarsuaq ukioq 2023-imi kaammattuutiminik saqqummiussaqarniarpoq. Tassunga atatillugu tarnimikkut nappaatilinnut sullissinerup iluani suliniuteqartoqarniarnersoq taakkulu 2023-mi atuutilersinniarneqarnersut nassuaatigineqarnissaat ataatsimiititaliap kissaatigaa?
3. Ineriertitsinissamut pilersaarut pillugu Naalakkersuisunit imaluunniit ilinniagaqassuseq tunngavigalugu peqqinnissakkut sullisisunit/peqqinnissakkut sullisisunit suliariniarneqarnersoq ataatsimiititaliamit qulakkeerumaneqarpoq?
4. Immikkoortoq 30-imut tunngatillugu ataatsimiititaliamit paasineqarpoq, suliamik aallartitsinissaminut Naalakkersuisut piareersimasut, ima paasisariaqarpa ADHD-tut aamma autismeqartut kisiisa pingaarnertut sullinniarneqartut?
5. Imm. 78: "Nuna tamakkerlugu meeqyanut immikkoortortaqarfik"-immut tunngatillugu uninngaviit M2 aamma K3 meeqyanut suliassaqarfimmik isumaginnereersut saniatigut immikkoortortaqarfip sorliup suliassaqarfik akisussaaffigissaneraa ataatsimiititaliamit

paaserusunneqarpoq. Sumi inissinniarneqarpa aamma qanoq ilinniagaqarsimanissaq eqqarsaatersuutigineqarsimava?

6. Meeqyanut immikkoortortaqarfiiit ataatsimoortinnejalissappata suliassaqarfiiit sorliit pingarnerutinneqassappat?
7. Siunnersuutaqqaartumi timikkut aamma tarnimikkut nappaatillit sullinnejnarerat sammineqarpoq, matumani UPA2023-i nallertinnagu suleqatigiissitaliaq innersuussutinik saqqummiussaqassalluni, tamatuma saniatigut annertunerusumik ilinniakkatigut piginnaasalinnik pisariaqartitsineq pillugu meeqyanut immikkoortortaqarfimmik pilersitsinissamut misisueeqqissaarnissamut kingusinnerpaamik UPA2024-mi Naalakkersuisut allannguutissatut siunnersuutigisaat kinguneqassava? Tamatuma tulleriissaarneqarnera tamatumunngalu tunuliaqutaasoq sukumiinerusumik itisiliivigineqarnissaa ataatsimiititaliap kissaatigaa?

Qulaani apeqqutigineqartut pillugit sapinngisamik piaartumik ataatsimiititaliap akissutisinissani kissaatigaa. Akissuteqaat kalaallisut danskisullu [mika@inatsisartut.gl](mailto:mika@inatsisartut.gl) -imut aamma ([inatsisartut@inatsisartut.gl](mailto:inatsisartut@inatsisartut.gl)) -imut nassiunneqarnissaat kissatigineqarpoq.


Qujareerlunga,

Ilaqtariinnermut Peqqissutsimullu Ataatsimiititaliaq sinnerlugu

Inussiarnersumik inulluaqqusillunga

Anna Wangenheim

Siulittaasuugallartoq





Ilaqutariinnermut Peqqissutsimullu Ataatsimiititaliaq  
[inlun@ina.alla.gl](mailto:inlun@ina.alla.gl), [MIKA@inatsisartut.gl](mailto:MIKA@inatsisartut.gl), [inatsisartut@inatsisartut.gl](mailto:inatsisartut@inatsisartut.gl)

17-11-2022

Suliap nr. 2022 - 19561

All. nr. 21647486

Postboks 1160

Oqarasuaat: 34 50 00

Fax: 34 55 05

3900 Nuuk

Email: [pn@nanoo.gl](mailto:pn@nanoo.gl)

[www.naalakkersuisut.gl](http://www.naalakkersuisut.gl)

**Ilaqutariinnermut Peqqissutsimullu Ataatsimiititaliamit UKA2022/30/78/89 pillugit  
apeqqutinut akissuteqaatit**

Ilaqutariinnermut Peqqissutsimullu Ataatsimiititaliap apeqquteqaataanut qujanaq.  
Apeqqutit tullinnguuttuni uteqqinnejarpuit akineqarlutillu.

- Imm. 30 Meeqqat ADHD-qartut aamma autismeqartut taakkulu siusissukkut nappaataasa suussusersiniarneqarnissaannut pilersaarummut tunngassuteqarpoq, imm. 89 -mi meeqqaqut ADHD-qartunut, ADD-qartunut, autismeqartunut aamma/imaluunniit angsteqartartunut immikkut ilisimasalinik 1. juni 2023-i nallertinnagu kaammattuuteqartussanik pilersitsinissamut imm. 30-imi pineqarput. Siunnersuutinut marlunnut allannguutissatut siunnersuutinut kingusinnerpaamik UPA2024-imut piffissaliisimanermut atatillugu ataatsimiititaliaq apeqquteqarumavoq. Akissuteqaammi aamma allassimasoqarpoq AIS23-imut aningaasanik pingaarnersiusoqarnissaa kissaatigineqartoq. Taama pilersaaruteqarnermut tunngaviusoq sukumiinerusumik nassuiarneqarnissaa ataatsimiititaliap kissaatigaa.

**Akissut:**

Meeqqat inuuusuttunullu tarnimikkut nappaatillit atugaat meeqqaqut inuuusuttunullu tarnimikkut nappaatillit atugaasa nukittorsaasoqarnerisigut pissutsit tamakku pitsangngorsarneqartariaqartut Naalakkersuisut naliliipput. Taamaattumik 2023-mut Aningaasanut inatsimmi aningaasanik ilaatigut meeqqat inuuusuttunullu tarnimikkut nappaatillit katsorsarneqartarnissaminut utaqqisartut utaqqisarnerisa sivikillineqarnissaannut atorneqassapput. Ilaatigut qulaajaanissamut sivikinnerusumik utaqqisarnerit pingaaruteqarput, taamaalillutik meeqqat inuuusuttuaqqallu sukkannerusumik eqqortumik ikorsinnaaniassagatsigut.

Meeqqaqut inuuusuttuaqqanillu tarnimikkut nappaatilinnik pingaarnersiusoqartariaqarnerata saniatigut Peqqinnissaqarfimmi tarnimikkut napparsimasut pingaermerik ineriartortsinissanik pisariaqartitsisoqartoq Naalakkersuisut nalilerpaat. Taamaattumik UKA2022/30/89-mut Naalakkersuisut allannguutissatut siunnersummik saqqummiussaqarput, tassani kingusinnerpaamik UPA2024-mut ineriartortsinissamik pilersaarut saqqummiunneqassaaq, tarnimikkullu napparsimasut pitsaanerusumik sumiissusersineqartarnissaat, qulaajaaffigineqartar-

nissaat katsorsarneqartarnissaallu pillugit suliniutissatut siunnersuutinik saqqummiussisoqassalluni.

**2. Peqqinnissaq Pillugu Ataatsimiititaliarsuaq ukioq 2023-imikaa  
kaammattuutiminik saqqummiussaqarniarpoq. Tassunga atatillugu  
tarnimikkut nappaatilinnut sullissinerup iluani suliniuteqartoqarniarnersoq  
taakkulu 2023-mi atuutilersinniarneqarnersut nassuaatigineqarnissaat  
ataatsimiititaliap kissaatigaa?**

**Akissut:**

Peqqinnissaq pillugu ataatsimiititaliami sulineq politikkut suliassatut akuersissutigineqarnerat aallaavagineqarpoq. Peqqinnissaq pillugu ataatsimiititaliaata isumaliutissiissutaa 2023-mi Upernaakkut Inatsisartut ataatsimiinnissaannut tigunissaa Naalakkersuisut naatsorsuutigaat, kisianni Peqqinnissaq pillugu ataatsimiititaliap isumaliutissiissutissaat imarisassaanut Naalakkersuisut sunniuteqanngillat.

Peqqinnissaq pillugu ataatsimiititaliami sammisaq "Kalaallit Nunaanni tarnimikkut nappaatilinnik katsorsasarnerit aamma tarnimikkut erloqissutillit" juni 2021-miataatsimiinnermi oqaluuserineqarsimasoq paasissutissiissutigineqarsinnaavoq<sup>1</sup>.

Tamatuma saniatigut Peqqinnissaq pillugu ataatsimiititaliami politikkut malinnaatisisoqatigiit Naalakkersuisunit innersuunneqarput.

**3. Ineriartortitsinissamut pilersaarut pillugu Naalakkersuisunit imaluunniit  
ilinniagaqassuseq tunngavigalugu peqqinnissakkut  
sullisisunit/peqqinnissakkut sullisisunit sulariniarneqarnersoq  
ataatsimiititaliamit qulakkeerumaneqarpoq?**

**Akissut:**

Peqqinnissaqaarfimmi sulisut attuumassutillit tarnimikkut nappaatilinnik suliaqartut Peqqinnissaqaarfimmi tarnimikkut nappaatilinnik sullissinermi ineriartortitsinissanut pilersaarutorernut peqataatinneqarnissaat Naalakkersuisut aalajangiisuuulluinnartutut isigaat.

**4. Immikkoortoq 30-imut tunngatillugu ataatsimiititaliamit paasineqarpoq,  
suliamik aallartitsinissaminnut Naalakkersuisut piareersimasut, ima  
paasisariaqarpa ADHD-tut aamma autismeqartut kisiisa pingaarnertut  
sullinniarneqartut?**

**Akissut:**

Naalakkersuisut UKA2022/30/89-imut allannguutissatut siunnersuuteqarnermikkut Peqqinnissaqaarfimmi tarnimikkut nappaatilinnik sullissinerisa pingaarnertut ineriartortitsinissanik pilersaarummik aallartitsisoqarnissaat kissaatigaat. Pilersaarut pitsaanerusumik paasiniaasarnissamut, paasiniaaqqissaartarnermut tarnip pissusaanillu ilisimasalimmit katsorsasarnermut suliniutissatut siunnersuutinik tigussaasunik qitiutiitsiffiussaaq.

<sup>1</sup> SuKo allakkiaq nr. 7 Kalaallit Nunaanni tarnimikkut nappaatilinnik katsorsasarnerit aamma tarnimikkut erloqissutillit - Peqqinnissaq pillugu ataatsimiititaliaq juni 2021-miataatsimiinneq – link.

Aammattaaq apeqquut 1-imut akissut takuuk.

5. Imm. 78: "Nuna tamakkerlugu meeqqanut immikkoortortaqarfik"-immut tunngatillugu uninngaviit M2 aamma K3 meeqqanut suliassaqarfimmik isumaginnereersut saniatigut immikkoortortaqarfiup sorliup suliassaqarfik akisussaaffigissaneraa ataatsimiititaliamit paaserusunneqarpoq. Sumi inissinniarneqarpa aamma qanoq ilinniagaqarsimanissaq eqqarsaatersuutigineqarsimava?

**Akissut:**

Nuna tamakkerlugu meeqqat maannakuugallartoq, Nakorsaatnik Katsorsartittut Immikkoortortaqarfianni, M2-miittumi inersimasunik peqateqarlutik unitsinneqartarput, tamatumani siniffit meeqqanut angajoqqaanullu sallutinneqartarput. Meeqqanut immikkut namminerisamillu immikkoortortaqalerneq misissortinnissamut - aamma katsorsartinnissamut pitsaanerulersitsissaq, aamma misissortinnissamut, katsorsartinnissamut isumagineqarnissamullu meeqqat immikkut pisariaqartitaat pitsaanerusumik periarfissinneqarnissaat naammassineqarsinnaalissaq. Meeqqanut immikkoortumi meeqqat ataasiakkaat inissaqartilluarnissaannut periarfissaqalissaq taamaalillutillu aamma ilaqtarit qitiutinneqalerlutik. Tamanna ilutigalugu meeqqanik nakorsaasarnernik misilittagalinnik aamma meeqqanik nakorsaasarnerup suliassaqarfiani ineriartortsinissamik ilinniartitaanissamillu immikkut soqtigisaqartunik sulisussarsiorneq ajornarunnaassaaq taamaalillunilu immikkoortortami nammineertumi meeqqanut naleqqussakkanik suliniuteqarnissanut tunngavissiisinnaasunik.

Nuna tamakkerlugu meeqqanut immikkoortortaqarfik arfineq-pingasunik siniffeqassaaq taakkulu maannakkut iluutigineqartuni inissaqartinneqassapput. Illuutit ilaannik allangortiterinerit aallartinneqarsimapput, taamaalillutik meeqqanut immikkoortortamut ammaanissamut illuutitigut akornutissaqanngilaq.

Meeqqanut immikkoortortaqarfimmi aamma meeqqat amerluttut katsorsarneqarnissaat tunngavissinneqarsinnaavoq, tassami suliassaqarfik amerlanerusunik sulisoqalersussaammat.

Sulisunut aningaasartuutit tullinnguuttunut immikkoortitigaapput: peqqissaasut, peqqinnissamik assentent, perorsasut, nakorsat immikkut ilinniarsimasut/meeqqanik nakorsaasartut.

Aningaasaliissutit 8,7 mio. kr.-usut akissarsianut aningaasartuutinut 8,5 mio. kr.-nik agguataagaapput (nammineq aningaasaliissutigisat iluini akissarsianut aningaasartuutinik 1 mio. kr.-nik ilallugit) aamma ingerlatsinermut 200.000 kr.-t.

6. Meeqqanut immikkoortortaqarfiiit ataatsimoortinneqalissappata suliassaqarfiiit sorliit pingarnerutinneqassappat?

**Akissut:**

Apeqquut 5-imut akissutigineqartumut innersuunneqarpoq.

7. Siunnersuutaqqaartumi timikkut aamma tarnimikkut nappaatillit sullinneqarnerat sammineqarpoq, matumani UPA2023-i nallertinnagu suleqatigiissitaliaq innersuussutinik saqqummiussaqassalluni, tamatuma saniatigut annertunerusumik ilinniakkatigut piginnaasalinnik pisariaqartitsineq pillugu meeqqanut immikkoortortaqarfimmik pilersitsinissamut misissueqqissaarnissamut kingusinnerpaamik UPA2024-mi Naalakkersuisut allannguutissatut siunnersuutigisaat


**kinguneqassava? Taamatut tulleriaarinerup tamatumunngalu pissutaasup  
itisilerneqarnerunissaat Ataatsimiitittaliamit kissaatigineqarpoq?**

**Akissut:**

Naalakkersuisut 2023-mut Aningaasanut Inatsisissatut Siunnersuummut suliniutinik marlunniq saqqummiipput, taakkulu maannakkut Peqqinnissaqarfimmi meeqqat inuusuttullu atugaasa pitsanngorsarneqarnissaannut siunertaqarput. Taamaattumik Naalakkersuisut kissaatigaat aningaasanik immikkoortitsisoqassasoq taamaalilluni Dronning Ingridip Napparsimmavissuani nuna tamakkerlugu meeqlanut immikkoortortamik pilersitsisoqassasoq aamma Meeqqat Inuusuttuaqqallu tarnimikkut nappaatillit atugaat pitsanngorsarneqassasut.

Tamanna ilutigalugu Naalakkersuisut paasivaat peqqinnissaqarfimmi meeqlanik inuusuttuaqqanillu suli pitsanngorsaasoqaaqittariaqartoq, misissortinnissanullu pinasuanngitsunut utaqqineq sivikillingaatsiassappat suliatigut piginnaasat nukiillu pisariaqartitat suunersut qulaajarneqartariaqarput. Nassuaat aningaasatigut naatsorsutilik kingusinnerpaamik UPA2024-mi saqqummiunneqassaaq.

Inussiahersumik inuulluaqqusillunga



Mimi Karlsen  
Peqqissutsimut Naalakkersuisoq

# Ilanngussaq

## Bilag

Naalakkersuisoq for Børn, Unge, Familier og Sundhed  
Meeqjanut, Inuuutsutunut, Ilaqtariinnut Peqqissutsimullu Naalakkersuisoq

2

NAALAKKERSUISUT  
GOVERNMENT OF GREENLAND



Ilaqtariinnermut Peqqissutsimullu Ataatsimiititaliaq  
MIKA@ina.alla.gl

### Tarnikkut nappaatilinnut sullissinermut tunngasumik 3. april 2023-mi saaffiginnissummut akissuteqaat

18-04-2023  
Suliap normua 2023 - 6787  
All. nr. 22854623

Ilaqtariinnermut Peqqissutsimullu ataatsimiititaliap ulloq 3. april 2023-mi  
saaffiginnissutaanut siunersiuineq 10. marts 2023-mi ingerlanneqartumut apeqqummut  
6-imut tunngasumik Naalakkersuisut tigusaminut qujapput.

Oqaatigineqassaaq ataatsimiititaliap apeqqutaanut famanut allakkatigut akissutit  
ataatsimoortut ataatsimiititaliamut 16. marts 2023-mi nassiunneqarmata.

Postboks 1160  
Oqarasuaat 34 50 00  
Fax: 34 55 05  
3900 Nuuk  
Email: pn@nanoq.gl  
www.naalakkersuisut.gl

Naalakkersuisut soorunami sapinngisamik erseqqissumik piaartumillu  
akissuteqarusbartput. Pisumi tassani ataatsimiititaliap apeqqummut 6-imut ilaanut  
akissut naammaginanngitsoq innersuuppa: "Taama nalunaaruteqarnissaq siunissamilu  
suliniutaasussanut, aalajangiiffigisassatullu siunnersuutinut pineqartunut  
siunertarineqartunut qanoq sunniuteqassava?"

Apeqputit akissutillu ataatsimoortut imaapput:

*"6. Peqqinissaqarfip ilinniarsimasunik sulisussarsiornernerani  
unammilligassat aammalu sassartitsinermut atatillugu  
Naalakkersuisup oqaatigaa pingaarnersiuinermi nalunaarsuiffik  
ersarissoq pillugit qaqgu tamanut nalunaarutiginissaat qaqgu  
pinissaa Naalakkersuisut naatsorsutigaa? Taama  
nalunaaruteqarnissaq siunissamilu suliniutaasussanut,  
aalajangiiffigisassatullu siunnersuutinut pineqartunut  
siunertarineqartunut qanoq sunniuteqassava?"*

Akissut:

Peqqinissaqarfimmi sulisussarsiortarnermik unammilligassat pillugit  
Naalakkersuisut ulloq 3. marts 2023 tusagassiorfinnut nalunaarummi  
ilisimatsissuteqarput. Tassani takuneqarsinnaavoq peqqinissaqarfimmi  
ajornartorsiutit qaangerniarlugit suliniutit aalajangersimasut pingasut  
aallartinneqartut.

- 1) Kalaallit Nunaat tamakkerlugu nakorsanut taartaasartunullu  
ikorfartuinermut qulakteerinnittussamik nakorsat immikkut ilisimasallit  
aalajangersimasut pigaartuusarnissaannik aaqqissuussinissaq  
sulissutiginiarneqarpoq.
- 2) Nunap immikkoortuini nalinginnaasumik sulinerup  
nukitforsarneqarnissaq sulissutigineqarpoq, taamaalilluni innuttaasut  
ulluinnarni nappaatiminik iliuuseqarfinginniinarnerannut atatillugu  
pisariaqartitaannut tunngatillugu pitsaanerusumik  
iliuuseqartoqassamat
- 3) Innuttaasut sapinngisamik piaartumik eqqortumik  
katsorsarneqarnissaat qulakteerniarlugu pinasuartumik  
pilatasaarnerit qitiusumut katarsornissaat sulissutigineqarpoq.

*Tamatuma saniatigut tarnimikkut nappaatilinnut immikkoortortaqarfimmi peqqinissaqarfimmi sulisunut attuumassutilinnut paarlaasarnermut aaqqissuussisimaanissamut ikiorneqarnissamik Naalakkersuisut danskit naalagaaffiannit oqaloqateqarput.*

*Tamatuma saniatigut Naalakkersuisut paassisutissiissutigisinnaavaat lnatsisartuni ilaasortanik oqalliseqateqarnissamut peqqinissaqarfimmum pinasuartumik aningaasaliinissap nutaap saqqummiunnissaa piareersarneqarmat.*

Qulaani itisiliinermut tunngasunut atatillugu Ilaqtariinnermut Peqqissutsimullu Ataatsimiitaliaq kissaatigigunarpaa aalajangiiffigisassatut siunnersuutit oqaluuserisassat 30/78/89-mut tunuliaqtaasut akissutissarsiffiginiarlugit, tamatumani lu pineqarput peqqinissaqarfimmi sulisussarsiornermi unammillernartut suliniutit/siunertarineqartut sunnerneqartarnersut.

Ilaqtariinnermut Peqqissutsimullu Ataatsimiitaliamik siunersueqatigiinnermit 10. marts 2023-imi pisumit apeqqummut 1-imut akissummi nassuarneqarpoq tarnikkut nappaatilinnut sullissinermi pingaarnertut ineriertortitsinissamut suliaqartussami avataanit misissueqqissaartartut isumaqatiginninniarfigineqarput.

*"Tamatuma kingorna Naalakkersuisut misissueqqisaarnermik suliaqartartoq avataaneersoq peqatigalugu tarnimikkut nappaatilinnik sullissinermi ineriertortitsinissamut pilersaarusiorneq pillugu Naalakkersuisut isumaqatiginninnialersimapput. Suliniutip 2023-mi ukiup affaani siullermi aallartinneqarnissaa aammalu 2024-p aallartinnerani naammassineqarnissaa naatsorsuutigineqarpoq."*

Ilaqtariinnermut Peqqissutsimullu Ataatsimiitaliamik siunersueqatigiinnermit 10. marts 2023-imi pisumit apeqqummut akissummi aamma nassuaatigineqarpoq UKA2022/30/89-mut aalajangiiffigisassatut siunnersuummik ineriertortitsinermut pilersaarusiornissamut piviusunngortitsinissamut annerusumik aporfissaqanngitsutut nalilerneqarmat.

**"3. Piviusunngortitsinissamut aporfegarnersoq pillugu nassuaasoqarnissaanik Naalakkersuisoq qinnuigineqarpoq:**

- *siunnersuutaaqqaartut, tassalu immikkoortut 30, 78 aamma 89*
- *Naalakkersuisut namminneq allannguutissatut siunnersuutaat*

*Matumani tarnimikkut nappaatilinnik sullissinermi sulisussanik/ imaluunnit aningaasanik/napparsimasunut tamanut atuuttumik immikkut iliuusissanik ineriertortitsinissamut nukiit amigaataanerat eqqarsaatigalugu?*

**Akissut:**

Naalakkersuisut isumaqanngillat ineriertortitsinissamut pilersaarusiornermut tunngatillugu UKA2022/30/89-imut allannguutissatut siunnersuutip piviusunngortinnissaanut annertuumik aporfegassasoq. Siuliani apeqqummut 1-imut akissummi allaaserineqartutut tamatumunnga aallarniutaasumik suliaqarneq aallartinneqareerpoq, taamaalilluni UPA2024-mi saqqummiunneqarsinnaassaaq.


*AI2023-mi meeqqat inuusuttullu tarnimikkut nappaatillit sullinneqarnissaminnut utaqqisarnerisa sivikillisinneqarnissaanut ukiumut 3,0 mio.kr.-t kiisalu Dronning Ingridip Napparsimmavissuani nuna tamakkerlugu meeqqanut immikkoortortamik pilersitsinermut ukiumut 8,7 mio.kr.-t aningaasat immikkoortinneqarsimasut UKA2022/78-mut allannguutissatut siunnersuummut piviusunngortitsinissamut tapiutaassapput.*

*Tarnimikkut napparsimasut immikkoortortaqarfianni inuttaqarniarnikkut pissutsit pissutigalugit UKA2022/78-imni aallaqqaaammut aalajangiiffigisassatut siunnersuutip piviusunngortinnissaanut aporfeqartoq Naalakkersuisut naliliippuit. Allatut oqaatigalugu siunnersuummi oqaatigineqartutut tarnimikkut nappaatilinnik sullissinermi sulisunik suleqatigiissitamut ilanngussirissaq ajornakusoorpoq. Periarfissatut allatut sulisut misilittagaat tarnimikkut nappaatilinnik sullissinermut ineriertortitsinissamut pilersaarummut ilanngunneqarsinnaapput, soorlu tamanna UKA2022/30/89-imni allannguutissatut siunnersuuteqarnermi allaaserineqartoq, taannalu avataanit suleqataasartumit suliarineqarpoq."*

*Siunnersuummi allaaserineqartutut piffissaliussap sivikinnera eqqarsaatigalugu 2022/89-ip aallaqqaaammut aalajangiiffigisassatut siunnersuutip piviusunngortinnissaanut aporfeqartoq Naalakkersuisut naliliippuit. Taarsiullugu tarnimikkut nappaatilinnik sullissinermut ineriertortitsinissamut pilersaarutip UPA2024-mi saqqummiunneqarnissaa naatsorsuutaavoq.*

Naalakkersuisut neriuutigaat una itisiliineq akissummut erseqqissaataassasoq.

Inussiarnersumik inuulluarit



Mimi Karlsen

Meeqqanut, Inuuusuttunut, Ilaqutariinnut Peqqissutsimullu Naalakkersuisoq



Ilanngussaq  
Bilag

3

Meeqganut, Inuuusuttunut, Ilaqtariinnermut  
Peqqissutsimullu Naalakkersuisoq  
[pn@nanog.gl](mailto:pn@nanog.gl)

Ulloq: 07-03-2023

J.nr.: 01.38.01.04-00040

**Ilaqtariinnermut Peqqissutsimullu Ataatsimiititaliap tallimanngornermi ulloq 10. marts 2023,  
nal. 13.00-imut 14.00-imut ataatsimiittarfik Erling Høeghimi siunersiuinissaanut  
aggeqqusissut**

Ilaqtariinnermut Peqqissutsimullu Ataatsimiititaliap siunersiuinissaanut Meeqganut, Inuuusuttunut, Ilaqtariinnermut Peqqissutsimullu Naalakkersuisoq matumuuna aggersarpaa.

Siunersiuinermi immikkoortut **EM2022/30+78+89** oqaluuserinissaat ataatsimiititaliamit kissaatigineqarpoq:

1. Apeqqutigineqartumut siullermut 17. november 2022-imi allakkatigut akissutigineqartoq matumani meeqganut inuuusuttunullu tarnimikkut nappaatillit sullinneqarnissaminut utaqqisarnerisa sivikillisinnejarnissaat 2023-imut Aningaasanut Inatsimmi ilaatigut immikkoortitsisoqarsimanera innersuussutigalugu Naalakkersuisumit itisilernejarnissaa aallarniutigalugu ataatsimiititaliamit kissaatigineqarpoq?
2. Ulloq 20. februar sassartitsinermi aningaasat immikkoortinneqarsimasut suli atorneqarsimannngitsut ataatsimiititaliamit paasineqarpoq. Atorfitt inuttassarsiornejarnissaannginnerinik, atorfitt inuttalernejarnissaannut aningaasarsiassaqartitsinnginnermik, ASA-lu annertuumik ajornartorsiutaneranik, aamma peqqissutsimut sullisisunik isumaqatigiissuteqarniarnermi ajornartorsiuteqarnermik tamanna kinguneqarpoq, taamaalilluni suli annertunerusumik sulisussarsiornermi periarfissat unamminarerulerlutik. Ullumikkornit pitsaanerusumik periuseqarnissaq pillugu aamma aningaasaliissutigineqartut aningaasallu atorneqarsimannnginneri pillugit Naalakkersuisoq nassuaaqqueneqarpoq.
3. Piviusungortitsinissamut aporfeqarnersoq pillugu nassuaasoqarnissaanik Naalakkersuisoq qinnuigineqarpoq:
  - siunnersuutaqaqtut, tassalu immikkoortut 30, 78 aamma 89
  - Naalakkersuisut namminneq allangnuutissatut siunnersuutaat

Matumani tarnimikkut nappaatilinnik sullisinermi sulisussanik/ imaluunniit aningaasanik/napparsimasunut tamanut atuutumik immikkut iliuusissanik ineriertortitsinissamut nukiit amigaataanerat eqqarsaatigalugu?

4. Siunnersuutigineqartut piviusunngortinneqarnissaannut aningasat amigaataasimanersut imaluunniit siunnersuutigineqartut piviusunngortinneqarnissaannut sulisunik amigaateqarneq pissutaanersoq pillugu Naalakkersuisoq nassuiaaqquueqarpoq?
5. Immikkoortuni 30 aamma 89 siusinnerusukkut suussusersiniaanermik siusinnerusumik piffissaatillugulu ikorsiisarnissap sammineqarnissaa pineqarput. Suliassaqarfii akimorlugit suleqatigiinnermut tunngatillugu pitsaanerusumik Naalakkersuisut qanoq qulakkeerinninniarpat, pingaartumik napparsimmavinnut perorsaasutut ilinniarsimasunik ikiorserneqarnissamut pisinnaatitaaffeqarnermut, MISI aammalu meeqqat atuarfiinik suleqateqarnermut tunngatillugu?
6. Peqqinnissaqarfiup ilinniarsimasunik sulisussarsiornerani unammilligassat aammalu sassartitsinermut atatillugu Naalakkersuisup oqaatigisa pingaarnersiuinermi nalunaarsuiffik ersarissoq pillugit qaugu tamanut nalunaarutiginissaat qaugu pinissaa Naalakkersuisup naatsorsuutigaa? Taama nalunaaruteqarnissaq siunissamilu suliniutaasusanut, aalajangiiffigisassatullu siunnersuutinut pineqartunut siunertarineqartunut qanoq sunniuteqassava?
7. Qulaani taaneqartunut attuumassuteqarsinnaasunik allanik Naalakkersuisut paassisutissiisinhaappat?

Siunersiuinerup ingerlanerani malitseqartitsissutaasunik apeqquteqartarnissani ataatsimiitaliap naatsorsuutigaa.

Ataatsimiitaliap aamma Meeqyanut, Inuuksutunut, Ilaqtariinnut, Peqqissutsimullu Naalakkersuisup akornanni siunersiuinermi sapinngisamik naalakkersuinikkut pissutsinik oqaloqatigiinnertut iluseqarnissaa ataatsimiitaliamit anguniarneqarpoq – tassa pingaarnersiuinerit anguniakkallu. Oqaloqatigiinnerit sapinngisamik atuffasserpalaartuunnginnissaat kissaatigineqarpoq.

Apeqqutigineqartut qulaani taaneqartut pillugit (kalaalisut danskisut) allakkatigut piaartumik akissutisinissani ataatsimiitaliamit qinnutigineqarpoq. Akissuteqaatit qarasaasiakkut ataatsimiitaliap allattaanut [inatsisartut@inatsisartut.gl](mailto:inatsisartut@inatsisartut.gl)-mut aamma Inatsisartunut [mika@ina.alla.gl](mailto:mika@ina.alla.gl)-mut kingusinnerpaamik siunersiuinerup kinguninngua nassiuteqquneqarput. Allakkiaq nassarneqassappat siunersiuinermilu atorneqarluni siunersiuinerup aallartinnginnerani assilinera ataatsimiitaliap nutserisuanut tunniunneqassaaq.

Inussiarnersumik inuulluaqqusillunga

Mala Høy Kúko

Ataatsimiitaliap siulittaasua

2/2



## Ilaqtariinnermut Peqqissutsimullu Ataatsimiititaliaq

### Ulloq 10. marts 2023 Ilaqtariinnermut Peqqissutsimullu Ataatsimiititaliap isumasioqatigineranut apeqquteqaataanut akissuteqaat

16-03-2023  
Suliap normua 2023 - 5508  
All. nr. 22762574

Postboks 1160  
Oqarasuaat: 34 50 00  
Fax: 34 55 05  
3900 Nuuk  
Email: [pn@nanorql](mailto:pn@nanorql)  
[www.naalakkersuisut.qa](http://www.naalakkersuisut.qa)

1. Apeqqutigineqartumut siullermut 17. november 2022-imi allakkatigut akissutigineqartoq matumanii meeqjanut inuuuttunullu tarnimikkut nappaatillit sullinnejarnissaminnut utaqjisarnerisa sivikillisinnejarnissaat 2023-imut Aningaasanut Inatsimmi ilaatigut immikkoortitsisoqarsimanera innersuussutigalugu Naalakkersuisumit itisilerneqarnissaa aallarniutigalugu ataatsimiititaliamit kissaatigineqarpoq?

#### Akissut:

Ulloq 17. november 2022 Ilaqtariinnermut Peqqissutsimullu Ataatsimiititaliap apeqqutaanut Naalakkersuisut ataanut akissuteqarput. Siunnersummik piviusunngortitsinissamut kingusinnerpaamik UPA2024 killiliunnejarnissimappat UKA2022/30/89-ip allanguutissatut siunnersuusiorfigineqarnissaanut AIS23-mi soq aningaasanik pingaarnersiuisoqarnissaa kissaatigineqarnerosq naatsumik nassuaammik itisiliisoqarnissaa ataatsimiititaliamit kissaatigineqarpoq. Naalakkersuisut ima akissuteqaateqarput:

*"Meeqqat inuuuttunullu tarnimikkut nappaatillit atugaat meeqjanik inuuuttunullu tarnimikkut nappaatillit atugaasa nukitorsaasoqarnerisigut pissutsit tamakku pitsangorsarnejartariaqartut Naalakkersuisut naliliippuit. Taamaattumik 2023-mut Aningaasanut inatsimmi aningaasanik ilaatigut meeqqat inuuuttunullu tarnimikkut nappaatillit katsorsarnejartarnissaminnut utaqjisartut utaqjisarnerisa sivikillineqarnissaannut atorneqassapput. Ilaatigut qulaajaanissamut sivikinnerusumik utaqjisarnerit pingaarteqarput, taamaallutik meeqqat inuuuttuaqqallu sukkanerusumik eqqortumik ikorsinnaaniassagatsigit.*

*Meeqjanik inuuuttuaqqanillu tarnimikkut nappaatilinnik pingaarnersiuisoqartariaqarnererata saniatigut Peqqinnissaqarfimmik tarnimikkut napparsimasut pingaernerpaamik ineriertortitsinissanik pisariaqartitsisoqartoq Naalakkersuisut nalilerpaat. Taamaattumik UKA2022/30/89-mut Naalakkersuisut allanguutissatut siunnersummik saqqummiussaqarput, tassani kingusinnerpaamik UPA2024-mut ineriertortitsinissamik pilersaarut saqqummiunneqassaaq, tarnimikkullu napparsimasut pitsaanerusumik*

*sumiissusersineqartarnissaat, qulaajaaffigineqartarnissaat  
katsorsarneqartarnissaallu pillugit suliniutissatut siunnersuutinik  
saqqummiussisoqassalluni."*

Siusinnerusukkut akissuteqaammi soorlu takuneqarsinnaasoq 3 mio. kr.-nit meeqqat inuuusuttullu tarnimikkut nappaatillit immikkoortortaqfiani utaqqisut ikilisinneqarnissaanut eqqarsaatigineqarput. Ilaatigut AI2023 allassimavoq:

*Meeqqat tarnimikkut nappaatillit suliniarfigner  
Ukiut 3 mio. kr.-nik aningaasaliisoqartassaaq. Nunatsinni meeqqat inuuusuttullu tarnikkut napparsimasut ilaatigut sulisussanik amigaateqarneq pissutigalugu ilungersunartorsiorput. Tarnikkut napparsimasut immikkoortortaqfiani meeqqat inuuusuttullu 150-it missaanniittut isumagineqarput, ukiumullu 125-t nutaat innersuuneqartarumaartut naatsorsuutigineqarpoq. Meeqqat inuuusuttullu tarnikkut napparsimasut unitsinneqannigkaluarlutiq misissorneqarnissaat qaammatini qulingiluani utaqqisinneqartarput. Taamaattumik neriuutiginarpoq, meeqqanut - aamma inuuusuttunut tarnikkut nappaatit pillugit misissorneqarsinnaanerannut - aamma katsorsarneqarsinnaanerannut neqeroorutit annertusinissaat. Tamatuma saniatigut meeqqat inuuusuttullu tarnikkut nappaammik ajornartorsiutillit sulilu peqqinnissaqfimmuit saaffiginnissimanngitsut taamaasillutillu tarnikkut nappaatilinnik sullisisunit suliarineqalersimannngitsut imaluunniit suliarineqalernissaminnut utaqqisut kisitsisaatigineqanngillat. Taamaattumik najukkanut ornigulluni sulinernek suliniut ilaqtariaqarpoq.*

Tamatuma kingorna Naalakkersuisut misissueqqisaarnermik suliaqartartoq avataaneersoq peqatigalugu tarnimikkut nappatilinnik sullissinermi ineriertortsinissamut pilersaarusiorniq pillugu Naalakkersuisut isumaqatiginninnialersimapput. Suliniutip 2023-mi ukiup affaani siullermi aallartinneqarnissaa aammalu 2024-p aallartinnerani naammassineqarnissaa naatsorsuutigineqarpoq.

2. Ulloq 20. februar sassartitsinermi aningaasat immikkoortinneqarsimasut suli atorneqarsimanngitsut ataatsimiititaliamit paasineqarpoq. Atorfiiit inuttassarsiorneqarsinnaannginnerinik, atorfiiit inuttalerneqarnissaannut aningaasarsiaasaqtitsinnginnermik, ASA-Ilu annertuumik ajornartorsiutaaneranik, aamma peqqissutsimuf sullisisunik isumaqatigiissuteqarniarnermi ajornartorsiuteqarnermik tamanna kinguneqarpoq, taamaalluni suli annertunerusumik sulisussarsiornermi periarfissat unamminarnerulerlutik. Ullumikkornit pitsaanerusumik periuseqarnissaq pillugu aamma aningaasaliissutigineqartut aningaasallu atorneqarsimannginneri pillugit Naalakkersuisoq nassuiaaqquqneqarpoq.

**Akissut:**

Peqqissutsimut Naalakkersuisoq ulloq 20. februar ilaqtariinnermut Peqqissutsimullu Ataatsimiititaliamik ataatsimeeqateqarpoq, ilaatigut meeqqat inuuusuttullu tarnimikkut nappaatillit immikkoortortaqfiani killiffik pillugu ilisimatitsissuteqarniarluni. Nunatta Nakorsaaneqarfia, Peqqinnissaqarfiaup qullersaqarfia aamma tarnimikkut nappaatillit immikkoortortaqfiani aqutsisut ataatsimiinnermi aamma peqataatinneqarput.

Meeqqat inuuusuttullu tarnimikkut nappaatillit sullinnejarnissaminut utaqqisarnerisa sivikillisinnejarnissaanut 3,0 mio.kr.-t AI2023-mut aningaasaliissufit suli atorneqarsimanngitsut ataatsimiinnermi erserpoq. Soorlu AI2023-mi allassimasoq, 20.11.70-mut Suliniutit nutaanut sillimmatit missingersuutit immikkoortiternerini, naatsorsuutigineqarpoq 2023 ingerlanerani atugassanngortinnejassasut.

Peqqissutsimut Naalakkersuisoqarfimmi aningaasat atugassanngortinnejarnissaannut tunngaviusussamik iliuusissatut pilersaarummik aallartitsinikuovoq. Naatsorsuutigineqarpoq suliaq qanittumi kingusinnerpaamillu UPA2023 nallertinnagu naammassineqassasoq. Sulisussat killeqnerat 2023-illu aallartinnerani suliassat pingaarnersiortariallit peqqutigalugit tamanna siusinnerusukkut pisinnaasimangilaq.

Meeqqat inuuusuttullu tarnimikkut nappaatillit immikkoortortaqarfianni utaqqisut ikilisissinnaajumallugit sulisut pisariaqartinnejartut atorfininnissaannut Peqqinissaqaarfik tamaviaarluni ataavartumik sulivoq. Sulisussarsiornikkut inuttaqarniarnikkullu pissutsit pitsangorsarnissaannut suliniutit itisilernerannut tunngatillugu apeqqummut 6-imut akissut ataani takuuk.

3. **Piviusunngortitsinissamut aporfegarnersoq pillugu nassuaasoqarnissaanik Naalakkersuisoq qinnuigineqarpoq:**
  - siunnersuutaqqaartut, tassalu immikkoortut 30, 78 aamma 89
  - Naalakkersuisut namminneq allannguutissatut siunnersuataat

**Matumani tarnimikkut nappaatilinnik sullissinermi sulisussanik/ imaluunnit aningaasanik/napparsimasunut tamanut atuuttumik immikkut iliuusissanik ineriartitsinissamut nukiit amigaataanerat eqqarsaatigalugu?**

**Akissut:**

Naalakkersuisut isumaqanngillat ineriartitsinissamut pilersaarusrornermut tunngatillugu UKA2022/30/89-imut allannguutissatut siunnersuutip piviusunngortinnissaanut annertuumik aporfegassasoq. Siuliani apeqqummut 1-imut akissummi allaaserineqartutut tamatumunnga aallarniutaasumik suliaqarneq aallartinneqareerpoq, taamaalilluni UPA2024-mi saqqummiunnejarsinnaassaaq.

AI2023-mi meeqqat inuuusuttullu tarnimikkut nappaatillit sullinnejarnissaminut utaqqisarnerisa sivikillisinnejarnissaanut ukiumut 3,0 mio.kr.-t kiisalu Dronning Ingridip Napparsimmavissuani nuna tamakkerlugu meeqqanut immikkoorttamik pilersitsinermut ukiumut 8,7 mio.kr.-t aningaasat immikkoortinnejarsimasut UKA2022/78-mut allannguutissatut siunnersummut piviusunngortitsinissamut tapiutaassapput.

Tarnimikkut napparsimasut immikkoortortaqarfianni inuttaqarniarnikkut pissutsit pissutigalugit UKA2022/78-imi aallaqqammut aalajangiiffigisassatut siunnersuutip piviusunngortinnissaanut aporfegartoq Naalakkersuisut naliliipput. Allatut oqaatigalugu siunnersummi oqaatigineqartutut tarnimikkut

nappaatilinnik sullissinermi sulisunik suleqatigiissitamut ilanngussinissaq ajornakusoopoq. Periarfissatut allatut sulisut misilittagaat tarnimikkut nappaatilinnik sullissinermut ineriertortitsinissamut pilersaarummut ilanngunneqarsinnaapput, soorlu tamanna UKA2022/30/89-imi allannguutissatut siunnersuuteqarnermi allaaserineqartoq, taannalu avataanit suleqataasartumit suliarineqarpoq.

Siunnersuummi allaaserineqartutut piffissaliussap sivikinnera eqqarsaatigalugu 2022/89-ip aallaqqammut aalajangiiffigisassatut siunnersuutip piviusunngortinnissaanut aporfekartoq Naalakkersuisut naliliippu. Taarsiullugu tarnimikkut nappaatilinnik sullissinermut ineriertortitsinissamut pilersaarutip UPA2024-mi saqqummiunneqarnissaa naatsorsuutaavoq.

4. Siunnersuutigineqartut piviusunngortinneqarnissaannut aningaasat amigaataasimanersut imaluunniit siunnersuutigineqartut piviusunngortinneqarnissaannut sulisunik amigaateqarneq pissutaanersoq pillugu Naalakkersuisoq nassuaaqquneqarpoq?

**Akissut:**

Apeqqummut 3-mut akissutaani allannguutissatullu siunnersuummut UKA2022/78-mi allaaserineqartutut peqqinnissaqarfimmi meeqqat inuuusuttunullu qulaajaavagineqartnerisa katsorsarneqartnerisalu pitsanngorsarnissaannut AI2023-mi meeqqat inuuusuttullu tarnimikkut nappaatillit sullinnejarnissaminnut utaqqisarnerisa sivikillineqarnissaanut ukiumut 3,0 mio.kr.-t kiisalu Dronning Ingridip Napparsimmavissuani nuna tamakkerlugu meeqqanut immikkoortortamik pilersitsinermut ukiumut 8,7 mio.kr.-t aningaasat immikkoortinneqarsimapput. Utaqqisarnerup sivikillineqarnissaanut misissueeqqissaarneq aamma aningaasaqarnikkut naatsorsuutinik nassuaasierneq imaluunniit tarnimikkut nappaatilinnik sullissinermi pingaarnertut ineriertortitsinissamik pilersaarusiornissamut AI2023-mi aningaasanik immikkoortitsisoqarnikuunngilaq. Taakkua Peqqissutsimut Naalakkersuisoqarfiup sinaakkutissatut aningaasaliissutit iluanni aningaasaliigivineqarnissaat naatsorsuutigineqarpoq.

Peqqinnissaqarfimmi suliniutit Aningaasanut inatsimmi aningaasaliissutaasunit matussuserneqarsinnaanerat nalilerneqarpoq. Taamaattorli inuttaqarniarkkut inissisimaneq ataavartuartoq UKA2022/30/78/89-mi siunnersuutigineqartut ilaannut piviusunngortitsinissamut sunniuteqarsinnaapput. Assersuutigalugu inuttaqarniarkkut inissisimaneq meeqqat inuuusuttullu tarnimikkut nappaatillit sullinnejarnissaminnut utaqqisarnerannut sivikillineqarnissaanut sunniuteqarsinnaavoq.

5. Immikkoortuni 30 aamma 89 siusinnerusukkut suussusersiniaanermik siusinnerusumik piffissaatillugulu ikiorsiisarnissap sammineqarnissaa pineqarput. Suliassaqarfiit akimorlugit suleqatigiinnermut tunngatillugu pitsaanerusumik Naalakkersuisut qanoq qulakkeerinninniarpat, pingaartumik napparsimavinnut perorsaasutut ilinniarsimasunik

**ikiorserneqarnissamut pisinnaatitaaffeqarnermut, MISI aammalu meeqqat atuarfiinik suleqateqarnermut tunngatillugu?**

**Akissut:**

Peqqinnissaq pillugu Ataatsimiitaliarsuup isumaliutissiissutaanut UPA2023-mut saqqummiunneqarnissaanik naatsorsuutigineqartumut Naalakkersuisut innersuussipput. Naatsorsuutaavoq isumaliutissiissut peqqinnissaqarfiup, kommunit suleqatigisartakkallu allat attuumassuteqartut akornanni suleqatigiinnerup pitsangorsarnissaanut kaammattuutinik imaqassasoq.

Tamatuma saniatigut Naalakkersuisut UKA2022/30/89-imut allannguutissatut siunnersummi saqqummiussipput tarnimikkut nappaatilinnik sullissinermut, ilaatiqut pitsaanerusumik paasinianissamut, qulaajaanissamut katsorsaanissamullu tunngatillugu siunnersuutinik imaqartussamik ineriartortitsinissamut pilersaarusiortoqassasoq. Tassani aamma susassaqarfiit akimorlugit suleqatigiinnermi pitsangorsaataasinnaasunik misissuinissaq tulluarsinnaavoq.

6. **Peqqinnissaqarfiup ilinniarsimasunik sulisussarsiornerani unammilligassat aammalu sassartitsinermut atatillugu Naalakkersuisup oqaatigaa pingaarnersiuinermi nalunaarsuiffik ersarissoq pillugit qaqugu tamanut nalunaarutiginissaat qaqugu pinissaa Naalakkersuisut naatsorsuutigaa? Taama nalunaaruteqarnissaq siunissamilu suliniutaasusanut, aalajangiiffigisassatullu siunnersuutinut pineqartunut siunertarineqartunut qanoq sunniuteqassava?**

**Akissut:**

Peqqinnissaqarfimmi sulisussarsiornermik unammilligassat pillugit Naalakkersuisut ulloq 3. marts 2023 tusagassiorfinnut nalunaarummi ilisimatsissuteqarput. Tassani takuneqarsinnaavoq peqqinnissaqarfimmi ajornartorsiutit qaangerniarlugin suliniutit aalajangersimasut pingasut aallartinneqartut.

- 1) Kalaallit Nunaat tamakkerlugu nakorsanut taartaasartunullu ikorfartuinermut qulakkeerinnittussamik nakorsat immikkut ilisimasallit aalajangersimasut pigaartuusarnissaannik aaqqissuussinissaq sulissutiginiarneqarpoq.
- 2) Nunap immikkoortuini nalinginnaasumik sulinerup nukitorsarneqarnissa sulissutigineqarpoq, taamaalilluni innuttaasut ulluinnarni nappaatiminik iliuuseqarfinginniinarerannut atatillugu pisariaqartitaannut tunngatillugu pitsaanerusumik iliuuseqartoqassammat
- 3) Innuttaasut sapinngisamik piaartumik eqqortumik katsorsarneqarnissaat qulakkeerniarlugu pinasuartumik pilattaasarnerit qitiusumut katarsornissaat sulissutigineqarpoq.

Tamatuma saniatigut tarnimikkut nappaatilinnut immikkoortortaqarfimmi peqqinnissaqarfimmi sulisunut attuumassutilinnut paarlaasarnermut aaqqissuussisinnaanissamut ikorneqarnissamik Naalakkersuisut danskit naalagaaffiannit oqaloqateqarput.

Tamatuma saniatigut Naalakkersuisut paassisutissiissutigisinnaavaat Inatsisartuni ilaasortanik oqalliseqateqarnissamut peqqinnissaqarfimmut

pinasuartumik aningaasaliinissap nutaap saqqummiunnissaa  
piareersarneqarmat.

**7. Qulaani taaneqartunut attuumassuteqarsinnaasunik allanik  
Naalakkersuisut paassisutissiisinhaappat?**

**Akissut:**

Pingaarnersiuinermut peqqinnissaqaarfimmillu ineriertortitsinermut tunngatillugu Naalakkersuisoq ataatsimut isigalugu Peqqinnissaq pillugu Ataatsimiititaliarsuup suliaanut (UKA2019-98)-imut, UPA2023-mi saqqummiunneqarnissaanik naatsorsutigineqartumut innersuussivoq. Ataatsimiititaliarsuaq peqqinnissaqaarfimmil suleriaatsit ataatsimut pitsanngorsaaffiginissaannut innersuussutinik suliaqarpoq, pingaarnertigut sulisussarsiortarnernut, sulisut sulisorineqaannarnissaannut kiisalu Danmarkimi nunanilu allani suleqateqateqarnernut tunngasut. Innersuussutigineqartut peqqinnissaqaarfimmil aaqqissusseqqinnissamut Inatsisartunut politikkut tunngaviliissapput.

Tarnikkut nappaatillit immikkoortortaqarfianni unammilligassaq aamma kapitalimi immikkut ittumi ataatsimiititaliarsuup isumaliutissiissutaani eqqartorneqassasoq naatsorsuutaavoq.

Med venlig hilsen  
Inussiarnersumik inuulluaqqusillunga

Mimi Karlsein  
